

KHATELO PELE KOLUOENG EA MAFU E HLAHETSENG BANNA BA BASOTHO BANENG BA ITŠEBETSA MORAFONG OA KHAUTA OA HARMONY SHAFT 5, O KOETSOENG KA MOLAO LILEMONG TSABO 1980S

- BAHLOMPHEHI, KE LE HOPOTSA HORE NKILE KA E TSA TLALEHO KA NTLONG ENA E KHABANE MABAPI LE KOLUOA E ILENG EA E TSAHALA MORAFONG OA KHAUTA OA HARMONY SHAFT 5 KA LA 18 MOTŠEANONG, 2023, MOO HO ILENG HOA HLOKAHALA BANNA BA BASOTHO BA MASHOME A MARARO HOA PHOLOHA BANNA BA BABELI KAMORA HO PHATLOHA HOA KHASE EA MORAFO (METHANE GAS).
- BASEBETSI 'MOHO LE BANNA BAO BA ILE BA NTS'A LITOPOTSE THARO TSEO LI ILENG TSA BOLOKOA NTSÍRELE LE TSOKUNG HA NTHOBA, MAPOTENG KA LI 24 PHATO, 2023 'ME HOA SALA LITOPOTSE MASHOME A MABELI A METSO E SUPILENG TSEO LI NTS'ENG LI TS'OASEHILE MPENG EA MORAFO OA HARMONY.
- KHATELO PELE LITABENG TSENA KE HORE LEKALA LA LIRAFSHOA LE MATLA LA AFRIKA BORO MOO MACHABENG (VIRGINIA) LE TLALEHETSE OFISI EA LEKALA LA RONA E WELKOM HORE HO ILE HA THEHOA KOMITJANA EA TS'EBETSO (TASK TEAM) LE EA PHOLOSO EA BATHO BA TSÓASEHILENG KA MORAFONG (UNDERGROUND RESCUE TEAM) HO HLOPHELA HORE BAFU BAO BA TS'OASEHILENG MPENG EA LEFATS'E MORAFONG OO OA HAREMONI BA TLE BA NTS'UOE. KA HONA HO ILE HOA BULOA MOKOTI (VENTILATION HOLE) SHAFT 4 EA MORAFO O TS'OANANG HO THEOLA BOEMO BO HOLIMO BA KHASE (METHANE GAS) HAPE LE HORE MOEA O FOKANG O POTOLOHE HA BOBEBE HO TLOHA SHAFT 4 HO ISA SHAFT 5.
- LIKOMITJANA TSEO LI SE LI PHETHETSE MOSEBETSI 'ME LI SE LI FANE KA TLALEHO EA BOEMO BA KHASE BO TENG SHAFT 5 'ME LEFAPHA LEO LA LIRAFSHOA LE MATLA LA E FETISETSA OFISING EA MOHLOMPHEHI LETONA LA LIRAFSHOA LE MATLA. TLALEHO EO, LE HA RE SO E FUMANE SEMOLAO, MENYENYETSI E SUPA HORE E BONT'SA HORE MAEMO A EA LUMELA HORE BAFU BAO BA BO RONA BA KA NTS'UOA KA MOKOTING 'ME BA SE BA EMETSE OFISI EA LETONA LA BONA LA LIRAFSHOA LE MATLA HO FANA KA LETSATSIS LA TS'EBETSO.

- HAUFINYANA, MOHLOMPHEHI CYRIL RAMAPHOSA, PRESIDENTE EA AFRIKA BORO A O ILE A TSEBISA LE HO TISETSA MOHLOMPHEHI NTSOKOANE SAMUEL MATEKANE, TONAKHOLO EA LESOTHO, LE MOIFO OA HAE NAKONG EO HO NENG HO THAKHOLOA KOMISI EA LIKAMANO LE TS'EBELISANO 'MOHO (BI-NATIONAL COMMISSION) EA LINAHA TSENA TSE PELI, E NENG E TS'OARETSOE LEKALENG LA TSA MACHABENG, PRETORIA, AFRIKA BORO A KA LA 28 LOETSE, 2023, HORE 'MUSO OA AFRIKA BORO A O TS'OERE KA NATLA HO PHETHAHATSA TABA EO HANG - HANG. SENA SE NE SE LATELA PHUTHEHO EA LIHLOOHO TSENA TSE PELI TSA NAHA LE 'MUSO E NENG E TSOARETSOE LUANDA ANGOLA NAKONG EA SADC SUMMIT.
- 'MUSO HA ONA HO EMISA HO SEBELETSA HORE MASAPO AO A BANA BA BORONA A TLE HAE HO BENG KA BONA MME A PHOMOTSOE KA MOKHOA O LOKELEHANG.